



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

XLVII. Iephtes filiam sacrificat. &c.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

to suscitaret. Cùm verò Boozo, & possessio agro-
rum Elimelechi, & Ruthæ matrimonium legitimè
cederetur; publica contestatione & congratulatio-
ne omnium contractæ sunt nuptiæ; quarum nobi-
lissimus fructus annò post extitit, natus filius, no-
mine *Obedus* ex Obedo prognatus *Iesse*, ex hoc *David*:
ex Davide, per Successionem Progenitorum,
CHRISTUS JESUS, MESSIAS, perditæque sa-
lutis REPARATOR. Sic paupertas non bonas
tantùm artes, sed seculòrum omnium felicitatem
extudit.

NARRATIO XLVII.

IEPHTES HEBRÆO-
RUM PRAETOR IX.
UNIGENAM FILIAM SA-
CRIFICAT.

Judic. cap. 11 Anno Mundi 2850. Ante
Christum 1203.

Contrita sæpius bellorum calamitatibus Heb-
ræorum idololatria, identidem vitiosa de
radice, velut herba mala repullulavit. Cùm
DEUS extenderet manum, facienda promittebant:
cùm suspenderet gladium, promissa non solvebant.
Irerum igitur Ammonitarum armis vicenniò totò
oppressi, ultima quæque expectabant. Ubique
luctus & clamor, DEum in auxilium, rebus afflic-
tissimis, vocantium. Certamen videbatur suscep-
tum, nunc Justitiam Numinis detestandis defecti-
oni-

onibus provocando : nunc Clementiam , coactis
tot calamitatum tempestate lacrimis , sollicitando.
Supplices igitur prostrati humi coram Fœderis Ar-
ca, exterminatis idolis *Baalis* (seu Jovis Beli) & *Astartis*
(seu Astartes sive Veneris) non ante desistunt
pulsare cœlum precibus, quàm misericordiam ever-
berarent , toties *Consistentes Rei*.

Reconciliatō per supplicia Numine, captum est
humanis de auxilijs consultari. Deliberantibus i-
gitur de strenuo belli Duce, nemo omnium visus
est potior *Jephthâ* , Galaadite , è tribu *Gad* , quem
fratres , quòd è Concubina susceptus esset , hære-
ditate paterna , domoque depulerunt. Eum ta-
men virtus reddidit illustrem , & frequentes de
Ammonitis & *Philisthæis* relatæ prædæ, quos cum
armata militum , eandem Fortunam sequentium
manu acriter infestabat. Is ergò cum crebris jam
antè velitationibus incurfantes *Ammonitarum* la-
trunculos ita compefcuisset, majoribus ut copijs, &
auctoritate videretur muniendus, summæ, rei mi-
litaris præficitur. Cùm verò nollet nisi vim vi-
pulsurus ad arma venire , missis ad hostes lagatis,
sperabat litem , quæ *Ammonitas* inter & *Galaadi-
tas* ob confinia intercedebat, sine sanguine compo-
ni posse. At illis mitiora spernentibus consilia, su-
umque jus in ferro ferentibus , *Jephthes* pro Bono
publico, patriæque libertate , justas in iras surgit :
animos addente non tam insita alacritate , quàm al-
tiore, de cœlo , virtute. Ante alios *Hebræorum*,
Galaaditas, populares suos, ad arma vocat ; quo-
rum cùm validam contraxisset manum , bellum
translaturus in hosticum , movet in *Ammonitidem* ;

concepto prius voto, se, si victoriâ contingeret po-
 tri, hostiam DEO mactaturum, quod animalium
 victori sibi, lares domesticos repetenti, primum oc-
 currisset. O mentes hominum futuri improvidas!
 eicit, cum volet, sapientiùs optâsse, & vovisse Jeph-
 res. Itur in hostem, pugnatur acerrimè, funditur,
 fugaturque Ammonitarum exercitus, manubiæ ho-
 stiles, & urbes complures capiuntur; jacent ingen-
 ti postrati clade, & jam de dominatu desperant suo,
 qui libertatem perditum ibant alienam.

Lauros Victori & libertatis Vindici, gratulanti-
 um voces ubique personant. Patria se Patri suo
 effundit in occursum; jo triumphè! debellatori ho-
 stium occinitur; in plausum victoriæ sexus omnis &
 ætas venit. Dux ipse Jephthes jactata per ora po-
 puli vota, gratus DEO, tanti gaudij Datori remit-
 tit. Iamque triumphali pompâ in urbem *Maspham*
 invehebatur; cum ecce; ô triste spectaculum tecta
 subituro parenti, obviam se primò omnium fert fi-
 lia, in qua virtutes cum forma certabant, spes una,
 & lux familiæ; dux ipsa virginei chori, festo tym-
 panorum sonitu, Patri, Libertatis Hebrææ Asser-
 tori victoriam gratulatur; Dianam dices inter co-
 mites, velut Lunam inter sidera minora gradien-
 tem:

natat ignis in ore

Purpureus, fulvòque nitet coma gratior auro.
 Ad occursum tam insperatû quò se verteret afflictis-
 simus genitor? utrius magis pœniteret illum, vic-
 toriæ, an voti? triumphus abit in luctum; epinici-
 um in nœniam. Attonitus primùm crudelitatem
 voti sui damnabat; exin revocatô in mentem Ab-
 rahæ

N 5

rahæ

rahæ filium immolantis exemplò , in ejus imitati-
onem æstuabat ; rursus impiam pietatem abhorre-
bat ; mox , quid DEO deberet , recurrebat ; sed re-
clamabat natura. Ita secum ipse luctans , & altos
pectore gemitus premens , tandem collecto forti-
us spiritu ; Vicinus , inquit , vicinus filia , sed tuo
sanguine , & cum dicto , vestem in geminas scindit
partes. Nec moratus , niceteria canenti , funus in-
dicit : nuncupati religionem voti exponit , non alio
unicæ nisi filia Capite exsolvendam. Hic puella
nescio , promptior an obsequiò , an durior imperio
pater ; contra nihil obtendere , nihil errori voven-
tis opponere , nihil deprecari. Hoc unum petere
lessum ut liceat prævertere ; indulgeret parens bi-
mestre non ampliùs spatium , quo juga montium
cum Sodalium choris obeundo , & suæ virginitati
sine prole morturae , & parentis orbitati , hærede
carituri , vivo funere parentaret. Obtinuit , quod
rogabat ; neque enim decebat , statim , quasi amen-
tem in arenam descendere , in gladium ruere , in
flammas insilire ; sed temporis & judicij maturitate
in scenam tam insolitæ tragoediæ prodire.

Interea dum in luctu duo menses abeunt motus
Ephraimitarum , unius è duodenis Hebræorum tri-
bubus , intervenit ; nimia gloriæ cupiditas , & rerum
à *Galaaditis* gestarum invidia stimulabat animos , ut
superbè expostularent cum Jephthe , quòd ad belli
Societatem vocati non essent. Cujus mollibus re-
sponsis cum convitia & atroces minas illi reponerent ,
res ad manus venit. Victi sunt *Ephraimitæ* ,
qui transito Iordane bellum ultro intulerant. In
fuga repetentes eadem littora , ignoratio tesseræ
mili-

militaris prodidit, & perdidit; à Galaaditis quippe intercepti, se se *Ephrataeos* metu mortis negabant. Sinica Syllaba fraudem aperuit; *Scibboleth* (Latinis *Spicam*) aspiratè pronuntiare nequibant; sed blæsa voce *Sibboleth* dicebant; quare mox apprehensi, jugulati, inque profluentem abjecti, mentis elatæ, & intemperantis linguæ pœnas dederunt, cæsis non minus quadraginta duobus hominum millibus.

Cæterùm elapsò, quod dixi, temporis spatiò, Jephthas (quam *Scilam* vocatam ajunt) pari fortitudine, quâ nuntium subeundæ mortis acceperat, è montibus ad urbem revertitur, ad patrem filia, ad aram victima; quam nec fletus æqualium movit, nec dolor inflexit, nec gemitus retardavit, nec fellit hora. Procumbit in genua, devota Numini hostia, vultuque in hilarem mortem composito, dat accipitque supremum à patre osculum, nudat virgineum collum, præbet cervicem interrita, excipit ferrum in pietate crudele. Decusso vertice, saliens è vulnere sanguis stridet, facundus sine lingua testis & orator, quousque se exporrigat obsequium patri, patriæ, DEO debitum. Inde corpus exanime, recompositum cum capite, collocatur in rogo, ad id exstructo, & in holocaustum concrematur, cinere in urnam illato. Exinde mos inolevit, ut puellæ Galaadinæ non tam tristissimi funeris, quàm præclarissimi facinoris memoriam quotannis iterarent, lugubres nœnias, & carmem exequiale quadriduò canentes, mixtis plantui encomijs Jephthiadis immolata. Sunt, qui votum hoc Jephthæ, factumque, impietatis & crudelitatis damnant. Sunt, qui præposteram viri mili-

mili-

militaris religionem , ob ignorantiam absolvant. Sunt denique , qui laudibus efferant Sacrificium , à DEO inspiratum , in prototypon illius , qui olim non pro aliquo terræ angulo , qualis Palestina fuit , sed pro totius salute Mundi , vitam erat , sanguinemque daturus. Certè potuit Jephthæ obijci illud. Turpe est in re militari dicere : NON PUTARAM. Et Fortuna (imò DEUS) plerumque eos , quos pluribus beneficijs ornavit , ad duriorè casum referat.

NARRATIO XLVIII.
**SAMSONIS DECIMI
 TERTII HEBRÆORUM
 JUDICIS SEU PRÆTORIS,
 MIRA FACINORA.**

SAmson ad profligandos Philisthæos natus , statis anno vicesimo , in fortitudinis rudimentum , leonem inermis discerpfit ; ac postea , alicui maxillâ , quasi Herucles clavâ , mille hostes maectavit : Gaza obsessus , portas urbis non modò repagulis emovit , sed & humeris , quasi victoriæ ferculum detulit. At vir tantus impingens in scopolum , amatâ Dalilâ , prostituti corporis fæminâ , (adeò difficilior est continentem esse , quàm fortem) atque arcanò , de crine , detectò , captus , illusus , excæcatus à Philisthæis , in pistrinum vilissimi bruti instar adactus , pœnas amoris impuri dependit. Morte tandem suas , divinasque ultus injuri-